



Na osnovu člana 46. stav (5) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26), člana 14. Zakona o poticaju razvoja male privrede Unsko-sanskog kantona („Službeni glasnik Unsko-sanskog kantona“, broj 5/26) i Programa poticaja razvoja male privrede za 2026. godinu, broj: 03-02-44-589/2026 od 6.5.2026. godine Ministarstvo privrede objavljuje:

JAVNI POZIV

**za odabir korisnika sredstava po Programu poticaja razvoja male privrede za 2026. godinu
„Podrška novoosnovanim subjektima male privrede“**

I. PREDMET JAVNOG POZIVA

Predmet ovog Javnog poziva je prikupljanje prijava za odabir korisnika sredstava po Programu poticaja razvoja male privrede za 2026. godinu „Podrška novoosnovanim subjektima male privrede“, u svrhu **refundiranja i sufinansiranja prihvatljivih troškova subjekata male privrede**, definisanih Zakonom o poticaju razvoja male privrede, u skladu s uslovima i namjenom utvrđenim ovim Javnim pozivom.

II. PRAVO UČEŠĆA

Pravo učešća imaju novoosnovani subjekti male privrede, definisani Zakonom o poticaju razvoja male privrede, **registrovani u periodu od 1.1.2026. godine do dana objave Javnog poziva**, koji djelatnost obavljaju kao **osnovno ili dodatno cjelogodišnje zanimanje**.

Pravo učešća nemaju subjekti male privrede čija djelatnost se odnosi na: proizvodnju oružja i vojne opreme, proizvodnju duhanskih proizvoda i alkoholnih pića, otvaranje kasina i drugih igara na sreću, trgovinu na veliko i malo (osim šifre djelatnosti 45.20 – održavanje i popravak motornih vozila), finansijske djelatnosti i djelatnosti osiguranja – područje K, poslovanje nekretninama – područje L, administrativne i pomoćne uslužne djelatnosti – područje N.

III. USLOVI ZA DODJELU SREDSTAVA

Pravo na dodjelu poticajnih sredstava ostvaruju subjekti male privrede koji ispunjavaju sljedeće uslove:

- a) da su registrovani i imaju sjedište na području Kantona. Osnovni subjekt mora imati 100% učešće privatnog kapitala. Za pravno lice sjedište mora biti registrovano na području Kantona, a za poslovnu jedinicu (u slučaju da pravno lice aplicira putem poslovne jedinice) ista mora obavljati djelatnost na području Kantona i realizovati projekat i sredstva u okviru poslovne jedinice;
- b) da obavljaju proizvodnu, proizvodno – uslužnu ili uslužnu djelatnost;
- c) da zapošljavaju minimalno jednog radnika, uključujući vlasnika, na neodređeno vrijeme na dan objave Javnog poziva;
- d) da vlastito učešće u ukupnoj vrijednosti projekta iznosi najmanje 10%;
- e) da uredno izmiruju direktne poreze, i to: doprinose za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale naknade i takse, izuzev subjekata koji posluju kraće od mjesec dana;
- f) da uredno izmiruju indirektno poreze i dadžbine, ukoliko su u sistemu PDV-a, izuzev subjekata koji posluju kraće od mjesec dana;
- g) da do dana podnošenja prijave nisu koristili poticajna sredstva iz Budžeta Federacije BiH, Budžeta Kantona ili budžeta jedinica lokalne samouprave za istu namjenu za koju su podnijeli prijavu.

IV. SREDSTVA ZA IMPLEMENTACIJU

Sredstva za implementaciju ove mjere obezbjeđena su u Budžetu Unsko-sanskog kantona za 2026. godinu, budžetski korisnik Ministarstvo privrede, na ekonomskom kodu 614500 FAP002 – „Subvencije preduzećima i poduzetnicima“ u ukupnom iznosu od **1.000.000,00 KM**.

Minimalan iznos sredstava koji se može dodijeliti **fizičkom licu** iznosi **1.000,00 KM**, a **maksimalan iznosi 10.000,00 KM**, pri čemu se za troškove registracije dodjeljuje fiksni iznos od **500,00 KM**.

Minimalan iznos sredstava koji se može dodijeliti **pravnom licu** iznosi **2.000,00 KM**, a **maksimalan iznosi 15.000,00 KM**, pri čemu se za troškove registracije poslovnog subjekta dodjeljuje fiksni iznos od **1.500,00 KM**.

U maksimalan iznos sredstava uključuje se i fiksni iznos za registraciju poslovnog subjekta, **samo ukoliko podnosilac prijave iskaže tu potrebu u prijavnom obrascu**.

Relevantan i prihvatljiv dokaz o namjenskom utrošku sredstava za troškove registracije je Rješenje o registraciji izdato od nadležnog gradskog/općinskog organa, odnosno važeći izvod iz sudskog registra.

V. NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke IV. Javnog poziva namijenjena su za:

- **Refundiranje prihvatljivih troškova** odnosi se na troškove registracije subjekta, kao i na troškove nabavke mašina, proizvodnih linija, uređaja i opreme, uključujući zavisne troškove (transport, špediciju, carinjenje, montažu i dr.), te troškove nabavke ili izrade digitalnih rješenja u cilju automatizacije poslovnih procesa (softver i hardver), **nastale u periodu od 1.1.2026. godine do dana objave Javnog poziva**.
- **Sufinansiranje prihvatljivih troškova** odnosi se na nabavku mašina, proizvodnih linija, uređaja i opreme, uključujući zavisne troškove (transport, špediciju, carinjenje, montažu i dr.), nabavku ili izradu digitalnih rješenja u cilju automatizacije poslovnih procesa (softver i hardver), kao i na troškove tehničkog usklađivanja kroz modernizaciju i inovaciju poslovnih procesa, uključujući uvođenje sistema međunarodnih standarda kvaliteta putem odgovarajućih konsultantskih usluga i edukacija za certificiranje sistema i proizvoda (CE znak), sticanje prava ili obnavljanje certifikata ISO, HACCP, HALAL i drugih međunarodnih standarda, te učešće na domaćim i međunarodnim sajmovima u svojstvu izlagača, uključujući troškove zakupa sajamskog prostora, najma, uređenja i vođenja štanda, kao i troškove izrade i štampanja promotivnih materijala.

Podnosilac prijave je obavezan osigurati vlastito učešće u ukupnoj vrijednosti projekta minimalno 10%.

Rok za implementaciju projekta je najduže do 31.12.2026. godine, od dana zaključenja Ugovora.

Sredstva dodijeljena po ovom Javnom pozivu mogu se koristiti isključivo za troškove direktno povezane sa obavljanjem pretežne djelatnosti subjekta. **Neprihvatljivi troškovi za koje se dodjeljena sredstva ne mogu koristiti su:** nabavka softvera koji nije dio projekta, izrada softvera od strane zaposlenika firme, troškovi izrade web stranice, police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina objekta za najam ili prodaju, plaće i doprinosi na plaće, troškovi po osnovu Ugovora o djelu, kao i nabavka mašina, postrojenja, usluga i opreme od lica koja nisu registrovana kao poslovni subjekti i koja spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije/novo za staro, krediti, revolving krediti, lizing, gotovinska plaćanja, nastavak realizacije aktivnosti na projektima koji su

započeti s implementacijom prije 1.1.2026. godine (predračuni, računi i plaćanja starija od 1.1.2026. godine) i svi ostali troškovi koji nisu u skladu sa namjenom projekta iskazanom u Prijavnom obrascu.

Ministarstvo će odobriti sredstva isključivo za troškove koji su opravdano potrebni za obavljanje pretežne djelatnosti subjekta i realizaciju ciljeva projekta, u skladu sa Prijavnim obrascem, **bez obzira na to da li se radi o refundiranju ili sufinansiranju** prihvatljivih troškova. Troškovi koji nisu opravdano povezani sa pretežnom djelatnošću ili projektom neće biti odobreni. Ukoliko prijava uključuje neprihvatljive troškove navedene u Prijavnom obrascu, izvršit će se umanj enje ukupne vrijednosti projekta za iznos tih troškova.

Mašine, postrojenja i oprema koja se nabavlja **ne može biti starija od pet godina** od dana objave Javnog poziva.

Svako korištenje odobrenih sredstava suprotno namjeni utvrđenoj u stavovima ovog člana smatra se nenamjenskim utroškom i podliježe obavezi povrata cjelokupnog iznosa sredstava dodijeljenih od strane Ministarstva.

Korisnici sredstava ne mogu prestat i s obavljanjem djelatnosti u periodu od najmanje jedne godine od dana zaključenja Ugovora o dodjeli sredstava. U suprotnom, dužni su izvršiti povrat dodijeljenih sredstava u cjelokupnom iznosu. Obaveza povrata sredstava ne odnosi se na slučajeve kada je prestanak obavljanja djelatnosti uzrokovan teškom bolešću, smrću ili višom silom, kao ni u slučaju prestanka obavljanja obrta radi njegovog zatvaranja, ukoliko se istovremeno registruje drugi poslovni subjekt koji obavlja istu djelatnost i ima istog vlasnika.

VI. KRITERIJI ZA IZBOR KORISNIKA

1. Broj zaposlenih
2. Vrsta djelatnosti
3. Vlastito učešće u ukupnoj vrijednosti projekta
4. Ukupan broj zaposlenih iz ciljnih skupina (žene, mladi do 38 godina i osobe sa invaliditetom)
5. Poslovanje subjekta male privrede u jedinicama lokalne samouprave

VII. PRIJAVA PO JAVNOM POZIVU

Prijava na Javni poziv se vrši putem Prijavnog obrasca (**Aneks I**) koji se preuzima sa web stranice Vlade Kantona (www.vladausk.ba). Potpisom i ovjerom Prijavnog obrasca, podnosilac prijave daje saglasnost da će, u slučaju odobravanja sredstava, zaključiti Ugovor o dodjeli sredstava pod uslovima utvrđenim Programom.

Uz Prijavni obrazac potrebno je dostaviti sljedeću dokumentaciju:

- a) Izjava o vlastitom učešću finansijskih sredstava za realizaciju projekta (**vlastito učešće u ukupnoj vrijednosti projekta iznosi minimalno 10%**) – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks II – koji je sastavni dio ovog Programa**);
- b) Original aktualnog izvoda iz sudskog registra ne starijeg od tri mjeseca od dana objave Javnog poziva ili ovjerena kopija istog – odnosi se na pravna lica;
- c) Rješenje o registraciji od nadležnog gradskog/općinskog organa (ovjera ne starija od tri mjeseca od dana objave Javnog poziva) – odnosi se na fizička lica;
- d) Ovjerena fotokopija Uvjerenja o poreznoj registraciji (ID broj) (ovjera ne starija od tri mjeseca od dana objave Javnog poziva);
- e) Ovjerena fotokopija Obavijesti o razvrstavanju subjekta prema djelatnosti usklađeno sa Klasifikacijom djelatnosti KD 2010 (Zavod za statistiku Federacije BiH) (ovjera ne starija od tri mjeseca od dana objave Javnog poziva);
- f) Original ili ovjerena kopija Uvjerenja od Porezne uprave o izmirenju direktnih poreza: doprinosa za PIO/MIO, zdravstveno osiguranje, osiguranje od nezaposlenosti i poreza na dohodak, kao i ostalih naknada i taksi (ne starija od tri mjeseca od dana objave Javnog poziva – osim onih koji posluju manje od mjesec dana);
- g) Original ili ovjerena kopija Uvjerenja o urednom izmirenju indirektnih poreza i dadžbina od Uprave za indirektno oporezivanje (ukoliko je u sistemu PDV-a) (ne starija od tri mjeseca od

dana objave Javnog poziva - osim onih koji posluju manje od mjesec dana) ili **Izjava podnosioca prijave** da isti nije u sistemu PDV-a, potpisana i ovjerena od strane podnosioca prijave – osim za one koji posluju manje od mjesec dana:

- h) Original ili ovjerena fotokopija Liste osiguranika izdana od strane Porezne uprave ne starija od 30 dana od dana objave Javnog poziva:
- i) Izjava podnosioca prijave o pripadnosti/nepripadnosti uposlenika sa Liste osiguranika o ciljnim skupinama (žene, mladi do 38 godina i osobe sa invaliditetom), potpisana i ovjerena od strane podnosioca (**Aneks III – koji je sastavni dio ovog Programa**):
- j) Fotokopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda):
- k) **Za refundiranje:**
- Original ili ovjerena kopija računa uz obavezni fiskalni račun (ukoliko je izdavalac računa obveznik izdavanja fiskalnog računa). **ne starijeg od 1.1.2026. godine**, izdati od odgovarajućeg poslovnog subjekta koji ne spada u kategoriju povezanih lica sa podnosiocem prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), kao dokaz troškova nabavke mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavke ili izrade digitalnih rješenja u cilju automatizacije poslovnih procesa (softver i hardver), a sve **u funkciji osnovne djelatnosti**;
 - Izvod iz banke o izvršenom plaćanju;
 - Fotodokumentacija nabavljenog (podrazumijeva uslikati svaku nabavljenu stavku po dostavljenim računima – printana u boji na A4 papir – ovjerena na poledini sa pečatom firme);
 - **Pravdanje** dijela sredstava koja se odnose na **refundaciju troškova smatra se konačnim dostavljanjem dokumentacije tražene pri prijavi na Javni poziv** za ovu kategoriju troškova i uključuje samo one troškove koji su kao takvi evidentirani u Ugovoru o dodjeli sredstava koji podnosilac prijave zaključuje s ovim Ministarstvom. **Ovo Ministarstvo neće prihvatiti naknadne zahtjeve za refundaciju troškova.**
- l) **Za sufinansiranje:**
- Original ili kopija ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava navedene u Prijavnom obrascu. Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije). **Dostavljena ponuda ili predračun za troškove sufinansiranja ne mogu biti stariji od dana objave Javnog poziva;**
- m) Izjava podnosioca prijave da nisu korištena poticajna sredstva iz Budžeta Federacije BiH, Kantona, jedinica lokalne samouprave za istu namjenu za koju se podnosi prijava, potpisana i ovjerena pečatom podnosioca prijave (dostupna na web stranici Vlade Kantona) (**Aneks IV – koji je sastavni dio ovog Programa**):
- n) Uvjerenje/Rješenje o invalidnosti ukoliko vlasnik ili direktor pripadaju navedenoj kategoriji (original ili ovjerena kopija – ovjera ne starija od tri mjeseca od dana objave Javnog poziva):
- o) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona) (**Aneks V – koji je sastavni dio ovog Programa**).

Prijave će biti odbijene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

VIII. OBRADA PRIJAVA I IZBOR KORISNIKA

Za razmatranje prijava po Javnom pozivu za odabir korisnika sredstava po Programu poticaja razvoja male privrede za 2026. godinu za mjeru „Podrška novoosnovanim subjektima male privrede“ ministrica Ministarstva privrede Rješenjem imenuje Komisiju.

Komisija ima zadatak, u skladu sa kriterijima i procedurama utvrđenim Programom, ovim Javnim pozivom i Pravilnikom o postupcima u provođenju Programa poticaja razvoja male privrede, broj: 06-02-6126-1/26 od 04.05.2026. godine, da :

- a) izvrši evaluaciju i bodovanje prijava;
- b) sačini Preliminarnu rang listu korisnika sredstava;
- c) sačini listu subjekata male privrede čije su prijave neblagovremene, nepotpune ili neosnovane te iste dostavi ministrici.

Po odobrenju ministrice, liste se objavljuju na web stranici Vlade Kantona: www.vladausk.ba.

Na objavljene liste subjekti male privrede imaju pravo prigovora, koji se podnosi Ministarstvu u pisanoj formi, u roku od osam dana od dana objave lista na web stranici Vlade Kantona.

Nakon isteka roka za podnošenje prigovora i odlučivanja po prigovorima, ministrica donosi Konačnu rang listu korisnika sredstava sa ukupnim brojem bodova i iznosom odobrenih poticajnih sredstava, u roku od osam dana od dana isteka roka za podnošenje prigovora. Vlada Kantona daje saglasnost na Konačnu rang listu i ista se objavljuje na web stranici Vlade Kantona.

Po dobivanju saglasnosti od Vlade Kantona na Konačnu rang listu korisnika sredstava Ministarstvo sa korisnicima sredstava zaključuje Ugovore o dodjeli sredstava, nakon čega će se sredstva doznačiti na transakcijske račune korisnika.

IX. NAČIN DOSTAVLJANJA PRIJAVA

Prijave sa potrebnom dokumentacijom dostavljaju se u zatvorenoj koverti, lično putem protokola Vlade Kantona ili preporučeno putem pošte, na adresu

**Ministarstvo privrede Unsko-sanskog kantona, Ul. Alije Đerzeleza br. 2, 77 000 Bihać,
s naznakom**

*Prijava na Javni poziv za odabir korisnika sredstava po Programu poticaja razvoja male privrede
za 2026. godinu „Podrška novoosnovanim subjektima male privrede“
„NE OTVARAJ“.*

Rok za podnošenje prijava je **30 dana** od dana posljednje objave Javnog poziva.

Neblagovremene prijave, dostavljene nakon isteka roka utvrđenog Javnim pozivom, neće se razmatrati i ne vraćaju se podnosiocima prijava.

X. IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih, tako i dodijeljenih sredstava Ministarstva. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.

Tokom projekta, korisniku se daje mogućnost da izvrši nabavku roba i usluga koje spadaju u kategoriju prihvatljivih troškova definisanih tačkom V. ovog Javnog poziva. Vrijednost dodatno nabavljenih roba i usluga ne može prelaziti 20% ukupne vrijednosti projekta definisane Ugovorom.

Rok za dostavu Izvještaja o utrošku finansijskih sredstava je **15 dana od dana isteka roka za implementaciju projekta**. Pravdanje će se vršiti sa odgovarajućom dokumentacijom koja se dostavlja ovom Ministarstvu, i to:

- a) Izvještaj o utrošku finansijskih sredstava – popunjen, potpisan i ovjeren od strane korisnika sredstava (**Aneks VI – koji je sastavni dio Programa**);
- b) Izjava o namjenskom utrošku sredstava ovjerena kod nadležnog gradskog/općinskog organa ili notara, propisana i dostupna na web stranici Vlade Kantona (**Aneks VII – koji je sastavni dio Programa**);

- c) Računi uz obavezan fiskalni račun (ukoliko postoji zakonska obaveza za izdavanje fiskalnog računa) – original ili ovjerena kopija kod nadležnog gradskog/općinskog organa, koji su u skladu sa predračunima/ponudama, dostavljenim uz prijavu na Javni poziv, uključujući i zavisne troškove. **Napomena:** Račun na kojem nije jasno vidljiva svaka specificirana stavka ili je isti prilikom sačinjavanja fotokopije prekriven fiskalnim računom, neće biti priznat kao dokaz prihvatljivog troška. **Račun ne može biti stariji od dana potpisivanja Ugovora:**
- d) Izvod iz banke o realiziranom nalogu za plaćanje iz kojeg je vidljivo da je plaćanje prihvatljivih troškova izvršeno na osnovu predračuna dostavljenog pri prijavi na Javni poziv, odnosno računa dostavljenog pri pravdanju dodijeljenih sredstava;
- e) Fotodokumentacija – fotografije svake nabavljene stavke, printane u boji na A4 papir – ovjerena na poleđini pečatom podnosioca Izvještaja;
- f) Carinska deklaracija – ovjerena kopija kod nadležnog gradskog/općinskog organa (ukoliko se radi o uvozu opreme).

Kreditna sredstva, revolving kredit niti lizing ne mogu se priznati kao vlastito učešće korisnika sredstava za realizaciju projekta po ovom Programu.

Ministarstvo zadržava pravo traženja dodatne dokumentacije i pojašnjenja u vezi sa provjerom namjenskog utroška sredstava, pismenim ili usmenim putem.

Ministarstvo vrši nadzor namjenskog trošenja odobrenih sredstava na osnovu dostavljenih Izvještaja, a po potrebi i neposrednim nadzorom kod korisnika sredstava, koristeći valjane izvore verifikacije navedene u Prijavnom obrascu.

Ukoliko korisnik sredstava ne dostavi Izvještaj o utrošku sredstava, Ministarstvo pokreće zakonom propisanu proceduru za povrat dodijeljenih sredstava.

XI. OSTALO

Sredstva se dodjeljuju korisnicima u skladu sa Konačnom rang listom korisnika sredstava, do utroška sredstava predviđenih za implementaciju pojedinačne poticajne mjere.

Sredstva se dodjeljuju u obliku državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 300.000 EUR u tri uzastopne fiskalne godine, u skladu sa Zakonom o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbom o uslovima i postupku dodjele male vrijednosti – de minimis pomoć („Službene novine Federacije BiH“, broj: 22/25).

Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona, realizacija dodjele sredstava se obustavlja.

Ministarstvo ne snosi troškove nastale u vezi sa prijavom na Javni poziv.

Aneksi od rednog broja I do VII čine sastavni dio ovog Javnog poziva, propisani su za predmetnu mjeru i dostupni su na web stranici Vlade Kantona: www.vladausk.ba.

Uz ovaj Javni poziv objavljuje se Program poticaja razvoja male privrede za 2026. godinu, dostupan na web stranici Vlade Kantona: www.vladausk.ba., te čini njegov sastavni dio, a ovim Javnim pozivom provodi se mjera „Podrška novoosnovanim subjektima male privrede“ iz navedenog Programa.

Sve dodatne informacije vezane za Javni poziv mogu se dobiti putem telefona: 037/316-038 i 037/316-039 ili putem e – maila privreda@vladausk.ba.

Broj: 06-11-5452-8/2026
Bihać, 12.5.2026. godine



MINISTRICA
Samra Mehčić, scr.